

Na osnovu člana 50. stav 1. tačka b) Ustava Zeničko-dobojskog kantona, člana 39. stav (2), člana 138. stav (5) i (8), a u vezi sa članom 167. Zakona o izvršnom postupku ("Službene novine Federacije BiH", broj: 32/03, 52/03, 33/06, 39/06-isp., 39/09, 74/11-OUS., 35/12, 46/16 i 19/25) i člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10 i 3/23), na prijedlog Ministarstva finansija, Vlada Zeničko-dobojskog kantona, na 134. sjednici, održanoj 26.06.2026. godine, d o n o s i

O D L U K U

o davanju saglasnosti za realizaciju rješenja o izvršenju na teret Budžeta Zeničko-dobojskog kantona za 2026. godinu

Član 1.

(Davanje saglasnosti za realizaciju rješenja o izvršenju)

Daje se saglasnost Ministarstvu finansija Zeničko-dobojskog kantona da u ime Zeničko-dobojskog kantona obavijesti ASA Banku d.d. Sarajevo da iz Budžeta Zeničko-dobojskog kantona za 2026. godinu ("Službene novine Zeničko-dobojskog kantona", broj: 24/25 i 5/26), sa budžetske pozicije Ministarstva finansija "Izvršenje sudskih presuda-akcioni plan", pristupi realizaciji rješenja o izvršenju na teret Zeničko-dobojskog kantona kao izvršenika, po redosljedu prijema rješenja o izvršenju, u iznosu od **14.000.000,00 KM** (slovima: četrnaestmiliona konvertibilnih maraka i 00/100 KM), u skladu sa članom 39. stav (2), članom 138. stav (5) i (8) i članom 167. Zakona o izvršnom postupku ("Službene novine F BiH", broj: 32/03, 52/03, 33/06, 39/06-isp., 39/09, 74/11-ous., 35/12, 46/16 i 19/25), drugim zakonskim propisima i Akcionim planom aktivnosti potrebnim za izvršenje generalnih mjera naloženih Presudom Evropskog suda za ljudska prava u predmetu *Kunić i drugi protiv Bosne i Hercegovine*, ap. br. 68955/12 i 15 ostalih i vremenskim okvirom za njihovu realizaciju, broj: 02-06-16237/19 od 31.10.2019. godine.

Član 2.

(Realizacija Odluke)

Za realizaciju ove odluke zadužuju se Ministarstvo finansija Zeničko-dobojskog kantona i ASA Banka d.d. Sarajevo, svako u skladu sa svojim nadležnostima.

Član 3.

(Stupanje na snagu)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-12708/26

Datum, 26.06.2026. godine

Zenica

**PREMIJER
po ovlaštenju**

Dženana Čišija

DOSTAVLJENO:

1x Ministarstvo finansija,

1x Ministarstvo za pravosuđe i upravu,

1x Kantonalno pravobranilaštvo,

1x Ministarstvo za ljudska prava i izbjeglice, Ured zastupnika/agenta

Savjeta ministara BiH pred Evropskim sudom za ljudska prava Sarajevo,

putem Ministarstva finansija,

1x ASA banka dd Sarajevo, Trg međunarodnog prijateljstva broj 25.,

71000 Sarajevo, putem Ministarstva finansija,

1x "Službene novine Zeničko-dobojskog kantona",

1x a/a.